

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

UGOVOR O KUPOVINI SISTEMA NADZORA TEMPERATURE

između:

JAVNE USTANOVE „APOTEKE SARAJEVO“, Sarajevo, Aleja Bosne Srebrene bb/IX, ID broj: 4200280090003, koju zastupa generalni direktor Nedim Hrelja mr. ph. MBA (u daljem tekstu Kupac)

i

2. ASLab d.o.o., sa sjedištem u Sarajevu, ulica Tešanjaska 24, ID: 4201117630005, koje zastupa direktor Vedran Pencl (u daljem tekstu Prodavac)

I PREDMET I CIJENA

Član 1.

Predmet ovog ugovora je kupovina 10 sistema nadzora temperature koji se sastoje od Linux servera i četiri senzora (ukupno 10 servera sa programom i 40 senzora).

Prodavac prihvata da će isporučiti kupcu gore navedenu robu u vrijednosti od 5.990,00 KM bez PDV-a, ukupna cijena sa PDV-om 7.008,30 KM, u skladu sa Ponudom – Predračunom broj 205-20190729113336 i predračunom broj 205-20190729113337 za pružanje usluge i dodatak 1 od 16.07.2019. g., koji su sastavni dio ovog ugovora.

II ROK I NAČIN ISPORUKE

Član 2.

Kupac se obavezuje da će preuzeti robu iz člana 1. Ovog ugovora na lokaciji sjedišta prodavca, a prodavac da će obezbijediti isporuku i preuzimanje iste u roku do 30 (trideset) dana od dana zaključenja ugovora.

Prodavac će kupca blagovremeno obavjestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

III KVALITET ROBE

Član 3.

Prodavac garantuje da će kupcu isporučiti robu odgovarajućeg kvaliteta i propisanih standarda koje je kupac naveo u zahtjevu za ponudu, u protivnom, prodavac je obavezan da kupcu naknadi pretrpjelu štetu.

IV KVALITATIVNI I KVANTITATIVNI PRIJEM

Član 4.

Kupac će vršiti kontrolu kvaliteta kod preuzimanja robe. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

Član 5.

Isporuku robe prati određeni dokument (otpremnicu), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

Član 6.

Kvalitet isporučene robe kupac utvrđuje prilikom prijema, uz prisustvo predstavnika prodavca, na uobičajeni način.

Član 7.

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na adresu kupca;
- Prodavac se obavezuje da uzme u postupak sve eventualne reklamacije prijavljene od strane kupca po svakoj pojedinačnoj isporuci.

V NAČIN I ROK PLAĆANJA

Član 8.

Za isporučenu robu iz člana 1. ovog ugovora plaćanje 40% avans nakon potpisivanja ugovora. Prodavac odobrava kupcu djelomično odloženo plaćanje 60% vrijednosti, na 30 (trideset) dana od dana isporuke robe, za ne reklamiranu robu. Eventualna reklamacija na pojedinačni artikl ne može biti prepreka u izmirenju ukupne obaveza kupca, isključujući reklamirani artikl. Uplata se vrši na transakcijski račun prodavca naznačen na fakturi.

VI SAOPŠTENJE I REKLAMACIJE

Član 9.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora. Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 10.

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,
- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VII TRAJANJE UGOVORA

Član 11.

Ovaj ugovor se zaključuje na period od 19.07.2019 do 18.09.2019. godine.

VIII GARANCIJA I SERVIS

Član 12.

Garantni rok za robu koja je predmet ugovora je 12 mjeseci od dana isporuke.

Grantni rok za radove koji budu vršeni u vezi sa predmetom ugovora je 12 mjeseci od dana izvođenja istih.

Prodavac obezbjeđuje Kupcu besplatan Cloud servis u trajanju od 12 mjeseci od dana zaključenja ugovora.

Roba koja je predmet ugovora je kalibrisana. Certifikat vrijedi 12 mjeseci od dana zaključenja ugovora.

IX PRELAZNE I ZAVRŠNE ODREDBE

Član 13.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njenog sljedbenika.

Član 14.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 15.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

Član 16.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

JU „Apoteke Sarajevo“
Nedim Hrelja, mr.ph. MBA
Generalni direktor

ASlab d.o.o.
Vedran Pencl
Direktor

Broj: 01-03-1329/19

Broj: 070219/UG-1

Sarajevo, 30.07.2019. godine

